

Ի ՆԱԽԱԿԱՏԻՍ ՊԱՏԿԵՐԻ

ՍՐԲԱԶԱՆ ՔԱՀԱՆԱՅԱՊԵՏԻՆ ԳՐԻԳՈՐԻ ԺԶ.

Ի ՄԵՆԱՍՏԱՆԻ ՍՐԲՈՅՆ ՂԱԶԱՐՈՒ

ՅԵՐԿՐՈՐԴԻ ԱՌՈՒՐ ԱՄՍԵԱՆՔ ՓԵՏՐՈՒԱՐԻ ՅԱՄԻ 1846

Բ Ա Ն Ա Խ Օ Ս Ո Ւ Թ Ի Ի Ն

ԱՍԱՑԵԱԼ Ի ԾԻՐԱՆԱԽՈՐ ՊԱՏՐԻԱՐԿԻՆ ՎԵՆԵՏԿՈՅ

() ՐՍ այս օր բարենշան , յորում ըստ իւրաքանչիւր ամաց կատարէ եկեղեցի զյիշատակ քառասնօրեայ գալստեան Տեառն 'ի տաճարն , 'ի հնգեւտասան ամաց հետէ և այսր պայծառագոյնս փայլէ ամբարձմամբն ՊՐԻԳՐԻ ԺԶ , 'ի Պետրոսեանն աթոռ : Իսկ զարդիս ևս քան զևս պայծառանայ օրս այս 'ի պաշտօնասէր կղզեկի աստ նաւակատեօք շքեղ պատկերիս , որ այս առաջին անգամ յաչս մեր հարկանի , և յայսմ հետէ բազմագոյնս անշուշտ ձգեսցէ այցելուս յափունս յայսոսիկ հիւրասէրս : Եւ ինձ , որ հրաւիրանաւս կոչեցայ հանդիսագիր բերկրաւէտ ժողովոյս լինել , ո՞ տայր և զասացուածս իմ կշռել համեմատս ճարտարութեան ձեռինն այնորիկ որ գիտաց երաստոյ վիմիդ այդպիսիս տալ տիպս կերպարանաց գեղեցիկս և վեմն , որպէս զի մի իմոց բանիցս անհարթութեամբ նսեմասցի 'ի միտս ձեր ձեռակերտիս պատուականութի : Սակայն եթէ թերի ևս գտանիցիմ ես յայսմ հանդիսի , ապաքէն դուք ձեզէն իսկ մարթիք լրումն տալ թերութեանն՝ մանր զննելով զհրաշագեղ ճարտարութիւն . և ինձ այնուհետև ոչ անախորժ ինչ լիցի՝ եթէ նուազեալ ևս յոյժ գտանիցէք զբանս իմ քան զիրացն ճմարտութիւն . քանզի և պարտութիւնս իմ 'ի պայքարիս՝ փառս յաւելցէ ճարտարապետի գործոյն , և պարգևողին զնոյն , և որոց զպարգևն ընկալան :

Եւս արձան մեծաւ իննամով քան .

դակեալ 'ի պասանեցւոյն Փիդիայ ' զոր ինքն իսկ հռովմ մեծարէ իբրև զմի յարժանի յաջորդաց անմահացելոյն Վանովայ , առաջի առնէ մեղաւադիկ զսրբազան Վահանայապետն բազմեալ փառօք 'ի մեծաշուք գահու , նափորտ զանձամբն , և առնովաւ պատուոյն նշանակք , և աջովն զօրհնութիւն բաշխելով առ տիեզերասփիւռ որդիս կաթողիկէ եկեղեցւոյ , որպէս նմին միայնոյ վայելէ : Եւ թէ ոք ըստ գեղեցիկ բախտի տեսեալ իցէ 'ի մօտոյ զվեմն զայն կերպարանս , անդէն նշմարէ 'ի սմա զնկարագիր երեսացն այնպէս ճշգրտահան գծադրեալ , զի և առանց յերկուանալոյ զնախատիպն յիշէ առ ժամայն : Եւ 'ի զննել անդ ապա զծալս ուրարին և զոր ընդ նովաւ զհանդերձսն որ խորշ զխորշիւ իջանեն , և զմանր ծակտիս վերջաւորացն և զմանուածոյ ոլորս ծոպիցն , և զոսկէհիւս զասդնեգործ կիտուածսն որով պճնեալ են քղանցքն , և զայլս ևս մասունս զգեստուց քահանայապետին , անդէն 'ի միտ առնու եթէ որչափ հնարագէտ գրտաւ անդրիագործն 'ի կակղել և 'ի հարթել զվեմն գրչաւն իւրով հզօրաւ , նոյնչափ ևս գեղեցկազարդեաց զայն իննամոտ սիրոյն առաւելութեամբ :

Ի չորեսին կողմանս քառակողմն

1 Յովսէփ Ֆապրիս , ասպետ և տեսուչ թանգարանացն որ 'ի Վատիկան , ծնեալ 'ի Պասան գաւառի մերձ 'ի Վենետիկ . որոյ քանդակեալ է և զկիսանդրի երանաշնորհ նախահօրն մերոյ Մխիթարայ որ կայ 'ի մատենադարանի Վանաց :

խարսխի անդրւոյն մի մի բարձրաբան
դակ պատկերք են յայտարարը նշա-
նաւոր տարեկանաց և գործոց մեծա-
մեծաց և սեպհական առաքինութեց
մեծի քահանայապետին¹ : Ընդ քա-
ռասնօրեայ գալստեան Տեառն պատ-
կեր յուշ մեզ ածէ զընտրութիւն քա-
հանայապետին՝ի գերագահն պատիւ-
եկեղեցւոյ . նաւակն ալէտանջ զխռո-
վայոյզ սկզբնաւորութիւն իշխանու-
թեաննորա ակնարկէ . համբարձումն
Տեառն յերկինս՝ զամբառնալ քա-
հանայապետին յիւրն իշխանութիւն,
և Կոյսն սուրբ բազմեալ ի դահուն
ընդունի զաղաչանս Բենեդիկտեայ,
Ղրիգորի, Հռոմուալդոսի և Սաւ-
րոսի, և յայտ առնէ եթէ վաղ իսկ
ընդ իւրով հովանաւորութեամբ ու-
նի զպաշտօնասէրն իւր Հայրապետ :
Ընդանօր տեսանի և մատեանն յու-
րում Ղրիգոր կանխագէտ գողցես
ելով իւրոց հանդերձելոցն փառաց,
արիաբար ջատագով եկաց առաքելա-
կան դահուն ի ծաղկեայ հասակի .
անդ տեսանի բերանացեալ հոսանօք
զայրագնեալն Ընիեն լաւատառուածս
լերինն Կատիղեայ : Ընդ և հրապա-
րակն Հռովմայ յառաջինն իւր վեր-
ածեալ ի փառս, և ի մի կողմն չբեղ
պայծառանայ լճանգարանն Ղրիգու-
րեան ճոխացեալ հրաշակերտիւք ետ-
րուրական գեղոյ և եգիպտացի պեր-
ճանաց և հռովմէական հարստութե,
և առ նովալ գեղարուեստից նշա-
նակք և պսակք և խաչք յայտարարը
առատաբաշխ պարգեւաց քահանայա-
պետին առ այնոսիկ որք պետութեան
և կրօնից գտան երախտաւորք : Եւ
ի միւս կողմն մեծակառոյց ամբառ-
նայ տաճարն Ստիայ յաճիւնացեալ
խրթնութենէն վերականգնեալ յա-
ռաջինն իւր վայելութիւն, և Սա-
տիկանեանն տաճար կենդանատիպ
տեսանէ ի վիմին զ] և ոն ժԲ, ի ԺՈ-

¹ Քանդակեալ է անդրիս այս սրբաւանին յամի
1833, որոյ վասն չէր մարթ առաջի առնել ի նմա
զմեծագործութիւնն որովք յետ այնորիկ և ևս
պայծառացաւ :

զովուրդն ձգեալ զաջն օրհնաբաշխ,
և վարժք իմաստութեան զոյժ և զու-
գի զգենուն ընդ հզօր և բարերար
ձեռամբն որ պաշտպանն է նոցա և
վարձահատոյց :

Այնչ ընդհատ ի քանդակացն գե-
ղոյ սբանչելի է ճարտարն և ընտրու-
թեամբն որով առեալ է ի քահա-
նայապետին առաքինութեանց զան-
մեկինն հանապազ ի զանազան անցս
կենաց նորա . քանզի և զինչ այլ
պատշաճագոյն էր ընտրելոյն ի հո-
վիւ հօտին Վրիստոսի՝ քան զԼու-
տուածպաշտութիւն և զՀեզու(թի,
և առ ի նուաճելոյ զխռովս ժողովոր-
դեան՝ քան զՕգոնութիւն և զԼու-
րիութիւն, և ի վարել զժամանակա-
ւորն իշխանութիւն՝ քան զԴորմու-
թիւն և զԼուրդարութիւն, և յաղօ-
թանուէր պաղատանս սրբոցն առ
դշխոյն երկնից՝ քան զՅոյս և զՀա-
ւատս : Եւ յսոքիկ են ահա և այլ
ևս սոցին հանգոյն նկարագիրք, զորս
չգիտեմ դրոշմեալս արդեօք արժան
իցէ ասել ի վիմին եթէ քանդակեալս .
զի թէ էր հնար վիմին հնազանդել
տպագրութեանն ուժոյ, անմարթ
էր տպաւորագոյնս և ճշդագոյն քան
զայս նկարել ի նմա զամենայն, և ոչ
անթերի երևելնրբագոյն իսկ անհար-
թութեանց պատկերացն և տեսարա-
նաց, որք հնարագիւտ ճարտարու-
թեամբ քանդակեալ են ի նոսին :
Եւ սովին այսու գերահրաշ գործով,
որով արժանապէս պատուեաց ճար-
տարն զիւրն Սեկենաս, նովին և
յանձն իւր ձգեաց գովութիւնս բա-
զումս :

Սակայն եթէ զարդիս բուռն հար-
կանէր նա զայսպիսւոյ գործոյ, քա-
նի՞օն ևս մեծահատոր վիմի կարօտա-
նայր առ ի կարող լինելոյ ակներև
կացուցանել ի նմա, թէ և յանձուկ
սահմանի, զամենայն իսկ զառյապա
գործս Ղրիգորեան գահակալութեն :
Վանգի (զսակաւսն ի բազմաց յիշա-
տակելով որպէս և զիարդ ի յուշ ինձ
գայցեն, սկիզբն ի քաղաքական մե-

ծագործութեանցն արարեալ) հարկ լինէր յաւելուլ զերկոցուն սահմանաժայր ծովուց պետութեան քահանայապետին ճոխանալ նորանոր հանգրուանօք նաւուց, և հոյակապ շինուածովք ծովահայեաց ապարանիցն, որք զշքեղ աւուրս Վուիրինեան քաղաքին ածեն մեզ 'ի յիշատակ: Հարկ լինէր առաջի առնել զնորանոր ուղիսն և զկամուրջս և զապարանս 'ի զանազան պէտս օգտի ժողովրդոց, կամ 'ի զարդ պերճութեան հասարակաց, և զայլ ևս շինուածսն նորոգեալս ընդարձակեալս և զարդարեալս և կամ 'ի հիմանց իսկ կառուցեալս 'ի քաղաքին և շուրջ 'ի գաւառսն: Հարկ լինէր յանդիման ցուցանել զգեղեցիկ կարգս քաղաքական տեսութեան և զօրինաց, զգատաստանաց, զգինուորութեան, զդրամոց և զողջոյն իսկ զանտեսութե գործոց հասարակաց: Ապա և զհրճուանս և զմեծարանս սիրոյ զորս յեւանեւն բազում անգամ յայց իւրոց սահմանաց՝ յամենեցունց ընդունէր 'ի հաւատարիմ ժողովրդէն. որով և այցելութիւնք նորա արդարեւ յաղթութիւնք էին անընդհատք քան թէ ուղևորութիւնք: Արձեալ և զհաստատութիւն նորանոր կարգաց ասպետութեան և կամ զնորոգութե այլոց, որք խրթնացեալ գոլով 'ի հրնութեանէ ժամանակաց՝ այժմ վերըստին փայլեցին վաղեմի փառօքն: Այլ զմտերիմ բարեկամութիւն քաղաքականս անքակ պահեալ, կամ վերստին հաստատեալս ընդ առաջինս 'ի թագաւորութեանց աշխարհի: Այդ տեսանէաք յայնժամ անկեալս առ ոտիւք նորա հիացմամբ և պատկառանօք զխռուհէր զվայրագասուն բնակիչս Վանատայ, և զսղնձագոյն որեարն Աթովպիոյ, և զխրոխտն զայն արաբացի որ նստին յաթուռս Փարաւոնեանց՝ զի առաքէր առ նա 'ի նուէր 'ի զարդ քրիստոսական տաճարաց զարեւելեան կիճն լուսանցոյց, որով շքեղացեալք լինէին երբեմն մեհեանք սնոտեացն Վսեայ և Սիրիդեայ. և

զահաւոր զսուսերն հիւսիսոյ խոնարհեալ պատկառանօք առաջի խաղաղութե հեզահամբոյր վեհապետին, այն որ ահացուցեալ կասեցոյց երբեմն զնոյն ինքն զհարուածն Մստուծոյ առ ափամբք Պադոսի: Այլ զինչ այլ ևս. ոչ ապաքէն և առատաձեռնութիւն մի է 'ի գերահամբաւ առաքինութեանց իշխանաց աշխարհի: Այլ կարի իսկ քաջ. ապա ուրեմն պարտ էր ճարտարին առանձինն ցուցանել զանչափ գումարս դրամոցն ծախելոց 'ի սեպհական իսկ ստացուածոցն 'ի շինութիւն քաղաքաց և գաւառաց, որք աւերեցան 'ի հեղեղաց, 'ի հրկիւղութեանց, 'ի սասանութե և յայլոց համաշխարհական աղետից. յորոց միջի անջինջ պահեսցի յիշատակ գաղտնախորհուրդ և մահաշջուկ ախտին՝ որ յառաջ քան զտաճան ամբիմեալ 'ի վերջին ծագացն արեւելից, զահ և զկոտորած սփռեաց ընդ Աւրոպէ համօրէն, և ապա շիջեալ դադարեաց 'ի խռան հառաչանաց և անդադար աղօթից որք 'ի վեր յաթուռ Տիրամօրն ելանէին 'ի հռովմէական գաւառաց: Այլ անմարթ իսկ էր անյիշատակ թողուլ յարքայական նորին առատաձեռնութեանցն կարգի զպատուական պարգևս նորա առ թագաւորս, առ իշխանս, առ ծիրանաւորս, առ եպիսկոպոսունս, առ դեսպանս պետութեանց, առ քաղաքանին, առ եկեղեցիս և առ վանորայս և առ սոսկականս անգամ, զոսկեղէն զվարդան, զաշտանակս, զանօթս, զկերպասս, զգիրս, զդրոշմածս, զմիւսիոն նկարս և զազգի ազգի քանդակս, յորս յոլով ուրեք զանցանէ զազնուութեամբ նիւթոյն ճարտարութի արուեստին, և զորոց վկայեն՝ թող զհեռաւոր աշխարհս՝ նախ առաջին աշխարհ ծնունդեան նորա քաղաքն Պելլուն, և ապա երկրորդ նորին հայրենիք, որպէս և ինքն իսկ կոչէ, քաղաքս Անետկոյ, և սոյն այս ուխտ միանձանց սո-

1 Այն է ասիական ախտն մաղձացաւ կոչեցեալ (ԿՈՒՐՄ) :

վին պարգևաւս՝ որոյ վասն ժողովեալ իսկ եմք աստանօր . ընդ որս և զիս ինքն համարձակիմ 'ի թիւս նոցին անուանել . քանզի ուր ոչինչ իսկ են արդիւնք վաստակոց , անդ ևս պայծառագոյն երեւի բարերարութիւն իշխանին : Եւ եթէ զայսոսիկ իբրեւ զիշխանէ իմասցուք , զի՞նչ ապա զՎահանայապետէն , որ խոնարհն է նա յաչս անձին իբրեւ . զճմարիտ միանձն , այլ զօրացեալ մեծանձն արութեամբ՝ զոր թելադրէ նմին վսեմականն իւր մեծութի . զորմէ և աբբայն Պայծառաձորոյ վանից ճարտարաբանէր առ այլ քահանայապետ իւրոյ ժամանակին : Եւ վկայեն ազգողաբան թուղթքն ընդհանրականք , յորս զՎրիգորեանցն և զԼեոնեանց և զՆնովկենտեանց վարեալ զլեզու , այնպէս հզօրագոյնս որոտաց նա 'ի Վատիկանեան արքունեացն , զի մինչև 'ի ծագս աշխարհի լսելի եղև բարբառ նորա . յորժամ 'ի վարժարանս գիտութեց , 'ի բանակս պատերազմողաց , 'ի խորհրդարանս տեսչութեանց , կամ 'ի նոցին իսկ յարքունական գահոյից 'ի վեր երեւցան վարդապետութիւնք և սահմանք և օրէնք և հրովարտակք ազարտիչք լրութեան հաւատոյ կամ ընկերահաշտ կարգաց կամ անդորրութեան ժողովրդոց և կամ իշխանութեան եկեղեցւոյ : Եւ դարեւ յայնժամ , և զայն բազում անգամ , լսելի արար եթէ Պետրոսիւ խօսէր նա , Պետրոսիւ՝ որում ետ Վրիստոս զգերագոյն իշխանութիւն երկնիցն փականաց . այլ զիշխանականն զվսեմութիւն ամօքէր հեզահամբոյր քաղցրութեամբն , որպէս և վայել է իմաստուն հովուապետին , որում առաջ Վրիստոս . “ Եւրածեա զգառինս իմ , արածեա զոչխարս իմ , ” : Բա՛բէ , քանի՜ հայրագութ խնամք և քանի՜ իմաստք բարեհամբոյրք յորդեն 'ի բանից առաքելական նամականոյ նորա , յորս է զի յորդոր լինի հովուաց զգուշանալ հօտին որ նոցա աւանդեցաւ , է զի ողբայ զչարիս որ

տագնապեն զեկեղեցի , և է զի կարգայ զորդինս աղօթակիցս լինել նմա , և կամ բաշխէ 'ի նոսա զգանձս հոգեորս . գովէ և քաջալերէ զհիմնադիրս և զնորոգիչս և զբարերարս վարժոցաց , որ հասարակաց և որ առանձինն , 'ի դաստիարակել զմանկունս , 'ի ժողովել զծերացեալս , 'ի դարմանել զաղքատս , և մանաւանդ 'ի խել զմոլորութիւնս և զախտս , և 'ի տարածել ընդ ամենայն տեղիս զճմարտութիւն և զամենայն առաքինութիւնս քրիստոսական կրօնից :

Իսկ զի՞նչ ասացից զիմաստութեանէն մեծէ որ ցանգ առաջնորդեաց նմա յընտրել և 'ի կարգել զականաւորս 'ի մարդկանէ 'ի զանազան զաշտամունս ուխտի եկեղեցւոյ , զմանս առ 'ի պաշտպան կալ իրաւանց եկեղեցւոյ առ օտար պետութեամբք , և զայլս առ 'ի գլուխ տանել զգժուարին տեսչութիւն եպիսկոպոսական պաշտամանց , և 'ի յաւելուլ զթիւս քահանայապետական շքեղ ծերակուտին , 'ի բաց 'ի նոցանէ առնելով՝ թէ կամիցիք՝ զիմս անարժանութիւն :

Ո՛րնչ և զգերմարդկային մեծվայելչութենէն ասացից , որով բանս արկեալ խօսի երբեմն 'ի ժողովս ծիրանազգեստ հարանցն՝ որ պատկառելի զնովաւ բոլորեն ահումբ , և մինչ 'ի բարձրաւանդակ պատշգամբ Վատիկանեան պալատանն ձգեալ զաջ իւր 'ի վերայ անհամար բազմութեան ժողովրդոց յերկիր խոնարհելոց առաջի նորա , արձակէ զառաքելականն օրհնութիւն մինչև ցվայրսն յորս մուտ գտեալ իցէ աւետարանն Վրիստոսի . և բնաւ որչափ տանի կրօնս մեր զշուք և զպայծառութիւն՝ նոքիմբք փառաւորէ զմեծահանդէս տօնախմբութիւն 'ի կատարել անդ վայելապէս զխորհուրդս աստուածայինս 'ի մայր կաթողիկէին տիեզերաց : Եւ բնաւ զի՞նչ այլ ևս ասացից զնորահրաշ հանդիսից հաստատելոց նորին իսկ առաջնորդութեամբ , զթափօրից , զհասարակաց աղօթից , զյորբելինաց , զնա-

ւակատեաց տաճարաց, զոսկեղէն պըսակացն 'ի գլուխս եդելոց պատկերաց Տիրամօրն, և առաւել քան զամենայն զբազմածախ պատրաստութեանցն որ յամենայն ազգաց երկրի ած կոչեաց զանթիւ բազմութիւն մարդկան յափուռնս Տիբերի 'ի յաւելուլ անդ նորա արս հինգ 'ի դասս երկնաքաղաքացեաց վերնոյն Սիոնի : Սորա են աւասիկ պաշտամունք Հռովմայ քահանայապետին, և զսոսա բազում անգամ շքեղ կարգօք կատարեաց ՎարդգոՐԻՍ :

Եւ եթէ տարածութիւն հաւատոց է որ փառաւոր ևս առնէ զփոխանորդ Վրիստոսի, իցէ՞ այն երբեք այնպէս արագագոյն 'ի հեռաւոր աշխարհս ընդարձակեալ, քան զոր ընդ հովանաւորութեամբն ՎարդգոՐԻՍԻ : Վիտակ իսկ են ամենեքին եթէ կըղզին այն մեծ, որ կոչեցեալն էր երբեմն Սրբոց կղզի, և որ յերեքհարիւրոց և աւելի ամաց հետէ հերձեալ է յեկեղեցւոյ, այժմ ճգնի զօղել միւսանգամ ընդ վիմին անկեան : Յամենայն 'ի գաւառս մեծին Վրիտանիոյ, Սալէսի, Լանքասթրի և Լորքայ հաստատեալ են տեղակալք առաքելական գահուն, և միայն 'ի յետին վեցեակ ամս կանգնեցան անդէն յիսուն և չորք եկեղեցիք ուղղափառաց, և վանորայք միանձանց թուով քսան և ութ : Վիտակ իսկ են, զի այժմ համարձակ է մուտ աւետարանչաց շնորհատուր օրինացս լ'ճաբիա, 'ի լոնքին, յերկնայինն անուանեալ պետութիւն և յայլ ևս կղզիս որ ցիր և ցան կան յընդարձակ սփիւռս աշխարհացն Հնդկաց : Ոչ որ անգիտանայ եթէ Ովկիանիա, Լորն Լրանատա, Սեբսիկոյ, Վիլի և որ ընդ այրեցածիւն հասարակապետութիւն, կարի քաջ պնդեալ են 'ի կրօնականս ընդ առաքելական գահուն. և յանկոխ անգամ վայրս նորոյ աշխարհին, որոց և անուանք անծանօթք էին 'ի մէնջ,

անդանօր ևս կանգնեցաւ յաղթականն դրօշ խաչին Վրիստոսի, և 'ի Պալթիմոր բազում անգամ գումարեցան ժողովք ազգայինք, և յամենեօին 'ի նոսա յաւելեալ տեսանէին նորապսակ եպիսկոպոսունք. և 'ի Սիացեալ նահանգս ուր ամօք ինչ յառաջ ոչ ինչ կարի առաւելոյր թիւ ուղղափառացն քան զմիլիոն մի, ըստ արդի հաշուոց սակաւ ինչ նուազ են արդ քան զմիլիոնս չորս : Եւ ո՞վ որ ոչ գիտիցէ եթէ ծովեզերք Վիրիկոյ, որք դադարք էին երբեմն յեկուզակաց, ուղղեալք արեամբ և քրտամբ քրիստոսակրօն անթիւ գերութեն, այժմահա սկիզբն առնեն թօթափել յանձնէ զլուծ մոլար աղանդոցն, և զկնի հազարաց և չորեք հարիւր ամաց տեսանեն նստեալ զյաջորդն () գոստինոսի երանելոյ յայն աթոռ, որ այնպիսեալ պայծառացեալ էր երբեմն գերահաւակ անուամբ : Երգարեւ կրօնական յաղթութեանցս այսօցիկ ճանապարհ հորդեցին բուռն և յաղթական զէնք ազգաց մեծամեծաց և հզօրաց, և դիւցազունք հաւատոց թողեալ զաշխարհս հայրենի և զազգակիցս իւրաքանչիւր՝ խոյացան 'ի խուժիցն աշխարհս կազմք և պատրաստք 'ի տանել առաքելական վաստակոց և արհաւրաց մարտիրոսութեան. սակայն և այն ճշմարիտ է, զի 'ի Հռովմայ ընկալան նորա և ոչ այլ ուստեք զայն եռանդն և զարիւնթիւն, զոր մեծախորհուրդն այն պահանջէր գործ : Վանդի 'ի Հռովմ և եթ բացեալ կայ վարժարանն այն սքանչելի առաջի ամենայն ազգաց, յորմէ ելանեն առաքելք մերոցս ժամանակաց, յորում անպակաս նորոգին գոգցես սքանչելիք Հոգւոյն սրբոյ որպէս 'ի վերնատանն, լուսաւորելով զմիտս նոցա, և բորբոքելով զսիրտս, և բաշխելով զպարգևս պերճախօսութեան յիւրաքանչիւր բարբառս աւետարանչացն առ ազգս անհաւատից : Եւ ուստի իցէ եռանդն և կենդանութիւն այսր դպրոցի, և

Թէ ոչ 'ի ՎԻՐԻԳՈՐԷ, որ կարգս նմին սահմանէ, ուղղէ զջանսն, վառէ ըզբորբորմունսն և ծաւալէ 'զոգիսն : Լայա ուրեմն ՎԻՐԻԳՈՐ է կենդորոնն առաջին, նա է արեգակն յորմէ հատեալ ճառագայթիցն և ցոլացեալ անդր քան զլերինս և զծովս՝ փարատեն զստուերս մահու : Եւ է անիւն մեծ յորմէ շարժին այլքն մանուկք բազմաթիւք, և որովք կազմի մեծն այն մեքենայ առաքելական քարոզութեանց : Եւ միայն կարող է ասել զբանս Վիրիստոսի . « Երթայք և քարոզեցէք » . զի զնորին ունի զիշխանութիւն . և 'ի լսել անդ զբանս զայսոսիկ անդէն և անդ ընթացեալ հասանեն մինչև 'ի ծագս աշխարհի քարոզք աւետարանին : Եւսպէս ուրեմն յայտնագոյնս տեսանէք, տեսարք, զի Թէ զամենայն իսկ զքաղաքական և զեկեղեցական իշխանութեանն զարդիւնս, որովք լի են յիշատակարանք ՎԻՐԻԳՈՐԷ, կամ լինէր ումեք մի առ մի 'ի յայտ ածել, այնչափ ինչ իրք գտանին, զի ոչ միայն պարտասեալ բթացուցանեն զգրիչս երկաթիս տասանք քանդակագործաց, այլ և զգրիչս բազում մատենագրաց, որոց կամիցին աւանդել յետնոց զվէպս կենայննորա :

Եւ Թերևս հարցանիցէ ոք, եթէ զի՞ է զի քան զայլս զամենեսին որոց կարող էր պարգեւել նա զանդրիս իւր զայս՝ զընծայեալս նմա 'ի պասանեցոյ քանդակագործէն, նախապատիւ արար նա զայս ուխտ վանաց յորում արդ ժողովեալս եմք : Եւ է ինձ հնար այլազգ լրումն տալ ըղձից ձերոց, եթէ ոչ կարծեօք և եթէ, այսինքն է եթէ յայս ձգեալ իցէ քահանայապետն 'ի վաղեմի և 'ի մտերմական սիրոյ : Վրանդի և դուք իսկ քաջ գիտէք եթէ մի 'ի գերագոյն լաւութեանցն ՎԻՐԻԳՈՐԷ այս է, անդրդուելի հաստատութիւն 'ի մտերիմ բարեկամութեան, որով ոչ ժամանակաց յերկարութեւ, ոչ վայրաց հեռաւորութեամբ, ոչ իշխանութեանն մեծութեամբ և ոչ հո

գոցն ծանրութեւ և բազմութեւ, ոչ միայն չմոռացաւ նա, այլ և ոչ հովութեամբ վարեցաւ ընդ արս՝ որք սիրելիք նմա եղեն երբեմն : Եւ որոց 'ի բազմաց վկայ ձեզ կացցէ վերջին պատրիարքն Կոստանդնուպօլսոյ, որ մի 'ի պարծանաց է ուխտի եկեղեցւոյս մերոյ՝ . զոր կոչեցեալ առ ինքն քահանայապետին՝ արար նմա բազում բարիս, 'ի հիւանդութեան նորա յայցելառ նա, և 'ի մահուն ելաց զնա, և շիրիմ մարմարեայ կառոյց նմա . 'ի մանկութեան տիոցն մտերիմ էր նորա, և արժանի ծանեալ զնա սիրելութեանն որով մեծարէրն զնա : Եւ նոյն պատճառաց ահա կարծեմ ձեզեալ զնա և 'ի պատուել զայս գերաւորան միանձանց : Վրանդի յորժամ կղզեակքն որ պսակաձև իմն շուրջ պատեն զԵԼԵՆԵՏԻԿ քաղաքաւս, լի էին պաշտօնասէր միայնակեցօք, որք յաղօթս և յուսմունս զաւուրսն անցուցանէին, և երբեք երբեք յայց իրեաց ելանէին . և յորժամ և ՎԻՐԻԳՈՐԷ մի էր 'ի նոցանէ, և զուարճանայր 'ի սուրբ և յիմաստախնդիր միայնարանին սրբոյն Սիքայելի որ 'ի Սուրան, ո՞ գիտէ քանիցս արդեօք գայր նա 'ի Սուրբս՝ Ղազար, և անդրստին յայնմ ժամանակէ սկիզբն արարեալ էր ճանաչել և մեծարել զպաշտօնասիրութիւն և զկարգս և զիմաստութիւն մեծարգոյ միայնակեցացս այսոցիկ, որ այնպէս քաջ գիտեն ընդ խստամբերութեան անապատի զօդել զնորհս անարատ քաղաքավարութեան : Եւ քանզի ծերագոյնքն 'ի սոցանէ տեսեալ էին յականէ զպատուական նախահայրն իւրեանց զԵԼԵՆԵՏԻԿ, որոյ նշխարք օսկերաց աստէն Թաղեալ կան, և որում պատրաստի արդ սեղանոցն պատիւ, ձեզէն իսկ կարէք իմաստասիրել եթէ քանիցս և որչափ ըղձիւք արդեօք

1 Նա ինքն է Անտոնիոս Թրաքիքսի՝ պատուոյ անուամբ պատրիարք կոչեցեալ Լատինացւոցն որ 'ի Կոստանդնուպօլսոյ : Ծնեալ էր նա 'ի Վենետիկ, և վախճանեցաւ 'ի Հռովմայսի 1842 :

լսէր նա 'ի նոցանէ զվէպս բազմավաւ տակ պանդխտութեանց նորոյն այնուրիկ հօր հաւատոց, որ յառաջ քան զամս հարիւր և յիսուն հանդերձ հաւատարիմ գնդաւ միով ած ընդ իւր 'ի ստորոտացն Մարատայ և յափանցն Եփրատայ և Տիգրիսի զկաթուղիկէ հաւատս՝ զքարոզեալն առ հարս իւր յառաքելոց սրբոց 'ի Թադէոսէ և 'ի Ռարթուղիմէոսէ, և 'ի Ղուսաւորչէն Վրիգորէ, անբիծ և անշաղխ պահեալ զնոյն 'ի մէջ հերձուածոց և այլազան մոլորութեանց : Եւ 'ի խօսակիցն լինել ընդ երկար զաստուածահաճոյ իրաց ընդ իմաստուն միանձունս այնր ժամանակին, յորոց թերևս ոմանք կեան մինչև ցայժմ, և լսեն իսկ արդեօք բանիցս, չիք ինչ երկբայութիւն եթէ յայնմ ժամանակէ հետէ և այսր կապեալ իցէ նորա ընդ նոսա մեծարանօք և սիրով զորոյ պահեալ և ցարդ զքաղցր յիշատակս, կամեցեալ իցէ այսու պարգևօք յաւերժացունել զնոյն սէր և յայտնել ամենեցուն :

Իայց թուի ինձ թէ ոչ այնչափ անցելոցն յիշատակ, որչափ տեղեկութի այժմեան հանգամանաց սոցա ձգեաց 'ի կղզիս յայս առանձինն օրինակաւ զքաղցր հայեցուածս նորա : Վանքի հոգք ծանունք խնամոց նորա, զոր ունի 'ի վերայ ամենայն եկեղեցեաց աշխարհի, ոչ ինչ խափանէն զնա դառնալ երբէք երբէք և մտադիւրագոյնս հայել յայս փոքրիկ՝ այլ սիրելի մասն մեծի հօտին յանձնելոյ նմին 'ի պահպանութիւն : Եւ իսկ առաջի աչաց նորա ոմանք արժանաւոր նուիրակք Սիաբանութեանս, որոց և տուեալ է նա օթեան հիւրընկալու, և 'ի նոցանէ իմանայ ճշգիւ որ ինչ անցք անցանէն 'ի սուրբն Վազար : Վիտէ նա եթէ առաջնորդ ոմն պատուական՝ ընդ իշխանութեան իւրում կցորդեալ ըզքաղցրութիւն հայրենի, ամոքական սանձիւ կառավարէ աստէն զգերդաստանս բարեպաշտօն, և խնամով պահպանէ զաւանդն սուրբ ուղղափառ

վարդապետութեան, որպէս և աւանդեցաւ նմա յիւրոց նախորդաց : Վիտէ նա եթէ աստ դաստիարակին խնամով հայկեան մանկտին՝ ոչ միայն 'ի կրօնաւորական այլ և 'ի քաղաքական գիտութիւնս, և զի աստի սփռին ընդ օտար աստեղօք գունդք անմահականք առաքելական շահատակաց սփռել զլոյս ճշմարտութեան 'ի մէջ ստուերաց տգիտութեան և մոլորութեան . աստ ամենեքին 'ի գիրս թարթափեալք՝ 'ի նոսին ծերանան և մեռանին . գրեն և թարգմանեն յայլ և այլ լեզուս, տպագրեն մատեանս բազմահատորս սրբազան և արտաքին իմաստից, և սփռելով զնոսա 'ի կողմանս կողմանս յեկեղեցի արեգական մինչև 'ի մուտս նորին, 'ի միութիւն եղբայրութեան լծորդեն զգիտութիւն արեւելեայց ընդ արեւմտեայցս : Վիտէ նա եթէ երկիրս այս նուիրեալ արեւելեան արարողութեանց, և յորում շնչէ գոգցես սիւք զուարթարար գեղեցկատիպ վայրացն ճոխացելոց 'ի բնութենէ, այս երկիր տայ մեզ զտաւրացոյց մեծվայելութեւ վաղեմի պաշտամանց եկեղեցեացն Մարիոյ՝ մինչ քրիստոսական կրօնիւքն պերճացեալ էին . այս երկիր շքեղացեալ գեղեցիկ տնկօք և հոյակապ շինուածովք՝ մի է 'ի պատուականագոյն ականց որովք պճնի քաղաքն Սենետիկ, և 'ի հիացումն ամբարձեալ 'ի մէջ ջուրց՝ զայցելուացն զաչս պարարէ շքեղ տեսարանօքն . որ և յաղագս այսոցիկ անհամեմատ գեղեցկութեանց արժանապէս դրուատեցաւ քերթողական երգովք յուրմեմնէ 'ի մեծազօր իշխանայ Վերմանիոյ, որ հաւասարազօր քաջութեամբ վարէ զգաւազան թագաւորութեան և զքնարն քերթողական : Ընդ գիտելով չափ Վարդգիս զայս ամենայն, զինչ զարմանք իցեն ընդ այսչափ սիրել նորա և մեծարել զՍիաբանութիւն Սիսիթարեանց, և

1 Վրբայն Պաւերայի Լուգովիկոս, որոյ քերթուածն զմերոյ մենաստանէս՝ տպագրեալ իսկ է եռալեզու թարգմանութեամբ :

զի յիշատակաւս այսուիկ որ առաջիս մեր կայ կամեցեալ իցէ տալ յայտնի վկայութիւն զիւրոյ յաւերժական սիրելութեանն առ նոսա :

Վ ան որոյ ներեցէք ինձ , Վ իան ձունքդ առաքինիք , զի խրախակից եղէց ընդ ձեզ լէ այսքանոյ պատուական վկայութե , զոր շնորհէ ձեզ նա ինքն փոխանորդն Վրիստոսի ՚ի գահոյից անտի՝ յոր չմատեաւ երբէք չողովուածի և ոչ ստուծիւն : Աւ քանզի փափաքեցէք դուք զի և ես հաղորդակից և հանդիսադիր կացից հրաշափառ սոնախմբութեանս , որ ոչ այլով իւրիք դառնանայ՝ բայց ՚ի վշտալից և յերկարատե խօթութենէն որ չտայ մեզ տեսանել աստանօր զձերդ սիրեցեալ Հայր և զառաջնորդ՝ , ներեցէք ինձ զի և թարգման կացից ես և սոցա ամենեցուն աստէն ժողովելոցս , և յանուն նոցին ևս ընդ ձեզ եղէց խնդակից : Տեսէք ահա զաւագանին ամենայն և զառաջնորդս եկեղեցւոյ և զամենայն կարգաց կրօնից , որ զուարթագինս յանձին կալեալ զհրաւերդ ձեր , ընթացան այսր՝ ոչ միայն ՚ի տեսանել զանդրի քահանայապետին , այլ և խնդակցել ընդ ձեզ , և գալըստեամբն իւրեանց տալ ձեզ յայտնագոյն և անխաբ ցոյցս ուրախութեան զսրտից իւրեանց : Աւ արժանի իսկ էիք դուք . զի բնակութիւնս զոր կալայք աստ ՚ի կղզւոյն իբր ՚ի հարիւր և ՚ի յիսնից ամաց հետէ , ոչ միայն առանց ինչ քրթմնջանաց ումեք տալոյ պատճառս , այլ և վարուք հաճոյականօք ամենեցուն , զանստգիւտ և զսքանչելի քաղաքավարութիւն ձեր յայտ առնէ , և զիմաստասէր վաստակսդ և զմեծամեծ ծառայութիւնսն զորս բազմօրինակ մատուցանէք եկեղեցւոյս Վ ենետկոյ : Հաւերժացի ուրեմն բնակութիւն ձեր ՚ի հիւր ընկալ ծովակիս : Աերունիքդ ա-

լւորեալք յերկարաձիգ մարզս իմաստից և ՚ի հրահանգս վանականս , տեսցեն ցանգ շուրջանակի իբրև ըզմատաղատունկս ձիթենւոյ զերամս հեզահամբոյր և պատուադիր երիտասարդաց , որք նախանձաւորք լիցին ոգւոյ ծերունեաց և անարատ քաղաքավարութեան նոցա . և սոքա դարձեալ յորժամ զնոսա փոխանակեսցեն՝ տեսցեն զանձինս շուրջ բոլորեալ ՚ի նորաբողբոջ ակնկալութեանց , որովք միշտ կենդանի և ծաղկափթիթ պահեսցեն և ցդարս բազումս ձգեալ ծառալեսցեն զօրհնեալ ձեր զսիրունդ . որպէս զի թէ և բռնութեամբ ժամանակաց , որում չէ հնար կալ ընդդէմ , անձինք ձեր զմիմեանս փոխանակեսցեն , այլ միաբանութիւնդ ձեր պատուական նոյն կացցէ և մնասցէ մինչև ՚ի սպառ : Այսոքիկ են ուխտք սրտի իմոյ վասն ձեր , զոր այս առաջին անգամ յայտ աւասիկ արարի , և տացէ տէր զի լրումն անցեն նոքին , և կղզիս սրբոյն Վ ազարու գրողմեսցէ զօրս զայս ՚ի թիւս բերկրալից աւուրցն որովք մինչև ցայսօր պայծառացաւ :

(ԹԱՐԳՄ . Հ . Օ . ԳՈՒՐԳ .)

1 Քանզի ՚ի նոյն աւուրս հիւանդագին կայր յանկողնի Գերապայծառ Տէրն մեր Սուքիաս Վարդապետ Սոմալեան . որ և յետ ինունց աւուրց հանգեաւ ՚ի տէր :